



求古錄

彭文勤手校本

光緒甲辰秋得於厥肆希聖記

此金石文字記初本後乃增益詳數排比時代始成書
耳然錄用洪景伯釋例全鈔本文俾遺篇墜簡
不見於它書者得此僅存則視記為勝要之二書不可
偏廢也借全書后本寫本此原鈔於檢校等字皆闕
筆猶是亭林早年作也嘉慶丁巳九月望身雲居士記

求古錄

顧炎武

予自少時即好求訪古人金石之文而猶不
甚解及讀歐陽公集古錄乃知其事多與史
書相證明可以補闕正譌不但詞翰之工而
已比二十年間周遊天下所至名山巨鎮祠
廟伽藍之跡無不搜尋登危峰探窈壑捫落
石履荒榛伐頽垣畚朽壤其可讀者必手自
抄錄得一文為前人所未見者輒喜而不寐
念古人遺刻且日遠日湮後之人未必如予
即如予而數十百年之後又當磨滅幾許又

歐陽趙氏二錄僅有其目而不著其文良以卷帙浩繁難于盡載而好古之君子不無遺憾乃取篋中所得重為刪正去其大半擇可傳者錄之以貽諸後人其高文大篇已見于方志者不錄碑刻之摹拓而傳于世者不錄近代詞人之作多有文集者不錄在乎闡幽表微備史乘之遺存前古之制然以布衣之賤出無僕馬往往懷豪舐墨躑躅于山林猿鳥之間而北方之人鮮能識字其或限于聞見窘于日力而山高水深為登陟之所不及者

即所至之地亦豈無挂漏又望後人之同此好者繼我而錄之也

唐景雲二年勅

景雲二年六月二十三日皇帝敬憑太清觀道士楊太希于名山斫燒香供養惟靈蘊秘凝真含幽綜妙類高旻之亭育同覆載之陶鈞蓄洩煙雲蔽虧日月五枝標秀八桂流芳翠嶺萬尋青溪千刃古刃刃兩字通用魏橫海蜺裳戾止恒為碧落之庭鶴駕來游即是玉京之域百祥覃于遠邇五福被于黎元往帝所以馳心前王

由其載想朕恭膺寶位嗣守昌圖恐百姓之不
寧慮八方之未泰式陳香薦用表深衷寔冀明
靈降茲休祉所願從今已後決寓常安朕躬男
女六姻永保如山之壽國朝官寮萬姓同符擊
壤之歡魚鳥遂性于飛沈夷狄歸心于邊徼實
希靈鑒用副翹誠今因鍊師遣此不悉

此條入金石文字記

右唐岱岳觀碑文之一泰山之東南麓王母
池有唐岱嶽觀併存茅屋三楹土人稱為老
君堂其前有碑二高八尺許上施石蓋合而
束之其字每面作四五層每層文一首或二

文中所列某年某
首皆見後

首皆唐時建醮造像之記周環讀之得顯慶
六年一首儀鳳三年一首天授二年一首萬
歲通天二年一首聖歷元年一首久視二年
一首長安元年一首四年二首神龍元年一
首景龍元年一首三年一首景雲二年二首
開元八年一首大歷七年一首建中元年一
首其空處又有唐代人題名書法不一東側
面有詩一首其下題名西側面題名亦有詩
一首中二側面皆無字唐碑存於泰山者唯
此及玄宗泰山銘蘇頌東封朝覲頌二文皆

磨崖刻于山上而此碑在山下以小而雙束故不仆書非名筆故摹拓者少而獨完至今因歎唐時六帝一后修齋建醮凡二十許共此二碑亦異乎近代之每歲一碑以勞人而災石者矣但不知趙德甫金石錄何以不收恐古人碑記失傳者正多耳碑下為積土所壅予來游數四最後募人發地二尺下而觀之乃得其全文而此敕文辭藻斐然固予之所亟錄而傳者也其記及詩及題名各載其一

景龍三年記

大唐景龍三年歲次己酉三月戊午朔十九日景子奉勅令號州龍興觀主杜太素蒲州丹崖觀監齋呂皓仙京景龍觀大德曹正等一三人于此泰山岱嶽觀建金籙大齋報賽前恩追濟兗等州大德四十九人七日七夜轉經行道設河圖大醮更祈後福以申告請七日之中遂呈四瑞白鶴騰輝拂霞莊而矯色黃雲覆彩映巖穴以通光絲雨飛禎家示九年之蓄烏曦抱戴壽延千載之君紀時日子青郊勃竒工于翠琰

夾紵像一鋪十一事二聖本命鎮彩修造

右唐岱嶽觀碑文之一唐諱丙改丙為景二

聖中宗及韋后也

博城縣令詩

早春陪勅使麻先生祭岳 守博城縣令馬□□

我皇盛文物道而崇先鞭撻走神鬼玉帛禮山

川忽下玄州使來遊紫洞前青羊得處所白鶴

□時年度懇飛龍記昭彰化鳥篇□風半山水

□氣終雲煙光抱昇中○霞明五色而山橫翠

微外室在綠潭邊緹幕灰墜夜焚林火欲然率

光著草樹春色換山泉伊水來何○嵩巖去幾

千山疑小而下至是會神仙葉令乘鳧入浮邱

駕鶴旋麻姑幾率歲三見海成田

右在岱嶽觀碑東側面其文剝蝕不全久視

二年記所稱神都青元觀主麻慈力即其人

也武后遣之至觀修醮神都即東都故有伊

水嵩巖之句

又按碑凡大周年者天作而地作壑人作至

聖作壘年作率月作田亦作匝日作○授作

稽初作墜唯及字無可考疑是應字凡數字

此條入金石文字記

作壹貳叁肆捌玖等字皆武后所改及自制字其壁歷年記有云設金籙寶齋河圖大醮泰①泰古七字太玄經玄攤曰運諸泰政玄祝曰祝擬之二泰方言曰吳有泰娥之臺是也後人不知妄于左傍添鑿三點淺而大又稍偏知非一筆唐碑書七字亦有作漆者後又省筆作柒冊府元龜載唐玄宗先天二年三月癸巳詔制勅表狀書奏牋牒年月等數作一十二二十三十四十字是知前此皆借壹貳等字矣不知其始于何年也

王圓題名

淄州刺史王圓山人王昌字大歷十四年二月廿七日同登泰嶽時真君道士卜皓然萬歲道士郭紫微各攜茶藥相候于迴馬嶺同憩於王母池登臨之興無所不至

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩俱不工不錄此碑前文從右方起後詩并題名或從右方起或從左方起每層高下多寡

此三條俱見金石文字記

參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即于空處插入大小高下俱無定準宋初亦然自大中祥符以後題名者乃別求一石刻書字體始得舒縱亦不與舊文相亂然石小易于搬取故題名愈多而存者愈少今之溝渠碾磨之間皆是物矣此碑西側面又有宋政和甲午題名一條又按茶薺之茶與茶苦之茶本是一字古時未分麻韻茶薺字亦只讀為徒東漢以下乃

音宅加反而加字音居何反猶在歌戈韻梁以下始有今音可見唐時字體尚未變爾雅檀苦茶廣韻九麻中有茶字又有茶字註曰俗是也

又任要題名曰貞元十四年正月十一日立春祭嶽遂登太平頂宿其年十二月廿一日立春再來致祭茶宴于茲曰茶宴者蓋唐時祭畢猶不用酒今不然矣

宋董元康題名

長清董元康權宰奉高挈家遊瑤池館觀元功

此條見金石文字記

弟題字愴然久之政和四年七月二十一日質
贄侍行

右小石刻在岱嶽觀予既錄唐碑往還數四
道士謂予曰昨發地得石刻二請觀之其文
亦可采因附焉下題因此

盛勛題名

政和戊戌仲夏二十九日被旨決獄恭謁祠下
飭此轉運判官盛勛公達題男志修侍行

右小石刻在岱嶽觀戊戌乃政和八年其年
十一月己酉朔改元重和曰決獄者讞而決

此條見金石文字記

之古無仲夏斬決之事也

宋真宗廣生帝君讚

若夫典治喬嶽表正靈祇司生發于東方仿聰
明于上帝宜乎名冠仙籍德被蒸民饗祀典于
蕭薌鏤徽稱于金石者也屬以虔修封禮恭答
神庥薦顯號以致誠述斯文而頌美讚曰

節彼岱宗奠茲東土生育之地靈仙之府爰有
高真允司明命至神不測虔誠斯應茂實克昭
儲祥是繫式奉嘉名用伸精意

大中祥符元年十月二十七日御書院奉勅模

勒刻石

右碑在泰山南麓青帝觀中宋真宗御製廣
生帝君讚并序其文及篆額皆御書青帝即
禮記月令所謂其帝太皞而史記封禪書秦
宣公作密時於渭南祭青帝者也夫帝者一
而已矣易傳曰帝出乎震齊乎巽相見乎離
致役乎坤說言乎兌戰乎乾勞乎坎成言乎
艮是周流于四時八卦之中而其為帝者一
也家語載孔子之言曰邱也問諸老聃曰天
有五行水火金木土分時化育以成萬物其

神謂之五帝古之王者易代而改號取法五
行五行更王終始相生亦象其義故其生為
明王者死而配五行是以太皞配木炎帝配
火黃帝配土少皞配金顓頊配水於是有五
天帝五人帝之說漢儒因之遂立感生帝之
名謂帝王者先祖皆感太微五帝之精以生
鄭康成述春秋緯說蒼帝靈威仰赤帝赤熛
怒黃帝含樞紐白帝白招拒黑帝叶光紀則
王子雍諸儒所排駁而後世雖存五帝之祀
亦不遵用其名者也豈若易傳之言簡而當

哉若真宗之事又所不足論云
加青帝懿號詔

敕中書門下名嶽配天乃衆山之推長盛德在
木實品物之資生唯真宰之斯存蓋靈篇之攸
紀青帝真君職司煦育道叶沖虛贊玄化于高
明庇羣生于溥率真祠夙建方志可徵屬嚴駕
以時巡爰祕封之成禮式瞻神館冀篤冥休祇
舉典章載揚懿美奉徽名而昭薦旌玄德于無
方用表欽崇永綏福祉宜尊懿號曰青帝廣生
帝君觀宇特加修飾故茲詔示想宜知悉

大中祥符元年十月二十五日下

御祝文

大中祥符元年歲次戊申十一月戊午朔四日
辛酉崇文廣武聖明仁孝皇帝謹遣尚書兵部
員外郎邵暉告于青帝廣生帝君伏以峻功不
宰誕彰陰隲之仁神化無方實主發生之宇惟
高真之攸館奠喬嶽之靈區屬以祇奉元符躬
陳大報仰繫景貺克舉上儀式昭□□之稱以
表欽崇之禮合申致告用達虔誠謹告

右共一碑前刻序讚大字後刻詔祝文字稍

小
升元觀牒

尚書省牒准泰寧軍奉符縣升元觀右第一行
泰寧軍狀據兗州儀曹掾兼兵曹婁寅亮狀稱
契勘兗州奉符縣泰山之下有古洞天周三
里名曰三宮空洞之天載石圖經是實即目宮
觀並無名額却有建封院一所逼連嶽廟之後
殿屋完備田產頗多只一村僧占據住持任從
民間安攢邱墓穢惡不蠲深慮觸瀆真仙不便
欲乞備申朝廷改為道觀州司看詳本院委合

改充前件洞天道觀伏候指揮右小字
牒奉勅宜賜升元觀為額牒至准勅故牒右大
字草書

起復太中大夫守左丞王右

特進少宰右

起復少保太宰右

太師魯國公不押右字畧小真書

政和八年六月十四日牒右末一行

政和八年閏九月二十一日襲慶府管內都道
正兼權措置知升元觀事洞元大師賜紫道士

此二條俱見金石文字記

李冲寂立石右左方之下

右碑在泰山東南麓升元觀其大字草書甚道勁不知何人筆錄之以見當日牒文之式考宋史婁寅亮傳但云政和二年進士為上虞丞不言歷官兗州亦可以此碑補史之闕其曰太師魯國公則蔡京也

普照寺有金大定五年牒碑長春觀有元丁亥年牒碑其式畧同金元碑並有印曰尚書禮部之印即今通行大篆文不用女直蒙古字

鈔校書籍

此目見金石文字記

後唐冥福院牒

中書門下宣賜冥福禪院產業地土

右第一行

第二行起開載地土數目不具錄

右付冥福禪院准此

此一行在數目之後

長興四年九月二十三日牒

中書門下之印在

樞密使檢校太傅平章事駙馬都尉趙

前印

樞密使檢校太傅平章事范

前印

樞密使檢校太傅平章事范

前印又加一印在使字上

中書門下牒冥福禪院

右碑在今泰安州城內冥福寺此牒無押而

十一 聖道齋

每人各用一印兩樞密使趙延壽范延光並見五代史又今官府文移准字本當作準相傳以為宋寇萊公作相日避其名改之今據後唐時牒已用准字則知此字自取省筆之便不始萊公也廣韻二字並收准字下注曰俗然莊子平中准管子懷繩與准鈎准繩文子放准循繩皆用此字碑下層有偽齊阜昌二年二月初二日方案不錄

宋范致君題名

武夷范致君久慕仙風自楚之魯遂登泰山以

望八極之表有宋大觀元年正月廿三日記于是碑

右小石刻在泰山南麓后土廟

錢伯言題

宣和己亥九月廿四日面奉玉音至奉符催視嶽祠後一月伯言至自究明日具香燭以告上旨而罷醮于會真宮獨登瑞雲亭早飯于行館遂同令寇庠丞呂光問祠官曹欽承萊蕪令韓僖道士蘇彥弼謁岱嶽觀留連池上復自金母洞過青帝觀觀文僖丞相遺刻遂遊白龍潭奠

御苑玉芽于水中愛其泉石之勝迺相與策杖
散步還過雞籠峰始復有輿躬走社首山視禪
壇訪遺跡晚入乾元觀小飲翠陰亭而歸知襲
慶軍府事錢伯言題

右碑舊在宋天書觀後人移之州城內嶽廟
中西墀古松下行書大徑寸餘

唐景龍觀鐘銘

原夫一氣凝真含紫虛而構極三清蘊祕控碧
落而崇因雖大道無為濟物歸于善貸而妙門
有教滅咎在于希聲景龍觀者中宗孝和皇帝

此條見金石文字記

此目見金石文字記

之所造也魯城寫質閭苑圖形但名在騫林而
韻停鐘簏朕翹情八素締想九玄命彼鼓延鑄
斯無射考虞倕之懿法得音曠之宏規廣召鯨
工遠徵鳧匠耶溪集寶麗壑收珍警風雨之晨
節昏明之候飛廉扇炭屏翳營鑪者鶴呈姿蹲
熊法狀角而不震侈而克揚庶其曉散靈音鎮
入鸞鸞之殿夕騰仙韻恒流鳩鵲之闈聾俗聽
而咸痊迷方聞而永悟洪鈞式啓寶字攸鑄其
銘曰

紫宸御歷青元樹因傾巖集寶竭府收珍杜夔

律應張永規陳彤包九乳儀超萬鈞上資七廟
倚延兆人風嚴韻急霜重音新自茲千歲從今
億春懸玉京而薦福侶銅史而司辰
景雲二年太歲辛亥金九月癸酉金朔一十五
日丁亥土鑄成

白龍池宋人題名

內供奉官李舜舉被命禱祀帝岳奉香勝際于
壽聖節日先款青帝宮次詢白龍潭治平四年
題 下云書吏李恭從行蓋此字即恭之筆

兗守劉充奉詔祈雪于岱宗登絕頂翌日謁白

龍池之祠元祐丁卯孟春初四日奉符令林會

題 大字

貫道建欄于此以便遊者元祐丁卯正月八日
大字

范陽正輔再遊同魯國景元符丁丑三月廿六
日

元符庚辰七月晦趙習之徐安國弟居仁孫正
仲同遊 大字

皇甫偁徐端朝孫懌同遊建中靖國元年三
□□日題

奉符令李珪因捕蝗恭謁白龍祠男彙侍行崇
寧壬午孟春初七日誠中君實德升崇寧二年
八月廿六日自王母池來訪此
董元康政和甲午重九日攜家來遊質贄責侍
行

自恭觀元康兄留字政和乙未孟春二十日
莆陽陳國瑞子玉恭謁白龍池祠俯洞酌泉小
憩而邁政和丁酉夏前二日 大字
姜子正子方李晉道劉言可刁文叔同來庚子
四月李顯道張公美王仲與張去塵庚子孟夏

十九日遊池上

郵城李儂弟俊姪贛隨侍遊此癸卯孟春廿八日
張子觀水于池十三年春三月 篆書大字無年
號按宋朝紀無有至十三年者若曰金元又不
合一代全無題名止此一人也

右在嶽西傲來峯下白龍池壁上平廣計二
十餘文書曰龍潭曰白龍池並大字其旁皆
宋人題名尚未刊缺錄之得十五首其文略
無重複自治平迄宣和六十年間人名字亦
可以想見當日太平之盛而金元以降游遭

此二條俱見金石文字記

兵火名山奧區委之榛莽無復有題名者矣
張子觀水于池篆書張字作鉅按劉原父鉅
仲匡銘釋鉅為張以為張仲之器歐陽永叔
從之趙明誠金石錄疑之黃長睿東觀餘論
則云鉅其勿反非張字考之玉篇信然此云
鉅子則為張子無疑蓋宋人之好奇者據原
父永叔所定之字而用之耳

元聖旨碑

長生大氣力裏大福蔭護助裏皇帝聖旨軍官
每根底軍人門根底管子達魯花赤官人每根

底來往的使臣每根底宣諭的聖旨成吉思皇
帝月古台皇帝薛禪皇帝完澤篤皇帝曲律皇
帝普顏都皇帝格堅皇帝聖旨裏尚和也里可
溫先生達識蠻每不揀甚麼差發休當者先天
祝壽者麼道有來如今依著在先聖旨體例裏
不揀甚麼差發休著者與咱每告天祈福者應
泰安州有的泰山東嶽廟住持提點道義守正
淵靖大師張德璘生每根底執把行的聖旨與
了也這的每廟宇房院裏使臣休安下者鋪馬
祇應休拿者商稅地稅休與者但屬他每的水

土園林碾磨鋪席不揀甚麼他每的休倚氣力
奪要者每年燒香的上頭得來的香錢物件只
教先生每收掌者廟宇塌壞了呵修理整治者
這的每其間裏不揀是誰休入來休沮壞者更
這張德璘梁道城根底聖旨與了也無體例勾
當行呵他不怕甚麼

聖旨泰定元年鼠兒年十月二十三日大都有
時分寫來

右碑在州城內嶽廟西偏延禧殿前又有至
正四年猴兒年聖旨碑其文略同不錄按元

此條見金石文字記

史泰定帝本紀有即位一詔與此相類鄙嗔
之語播之王言傳之史冊貽笑後人然其曰
每年燒香的上頭得來的香錢物件只教先
生每收掌者則是時香錢固未嘗以入官也
後世言利之臣蓋元之不如也已

靈巖寺宋李迪詩

大丞相文定公游靈巖詩

靈巖山勢異金地景難窮塔影遮層漢鐘聲落
半空千峰羅雉堞山如城萬仞聳屏風飛鶴來
清竇有雙鶴泉剝魚掛古桐名曾參四絕封合亞三

公勢澈河塢遠行差嶽鎮雄僊問隣峻極月觀
伴穹崇邃洞連蓬島重巒鑿梵宮

山面有證明功德嵌

望

應銷俗慮登喜出塵籠獻壽嵩衡並分茅岱嶽

同艮方標出震午位對升中嵐滴精煙碧崖鋪

夕照紅巍我齊太華奇勝敵崆峒鍊句供詩客

模真怯畫工天孫分怪狀神化結全功吟賞慵

回首林泉興愈隆

先丞相天聖間嘗留詩寺壁後主僧刻石逮今

歲久字畫剝缺因命工再刊石紹聖五年三月

中幹日姪孫新滑白馬縣主簿李侃敬書

此條見金石文字記

右小石刻在濟南府長清縣靈巖山寺中其

山距府九十里南接泰山北帶龍洞齊乘以

為疑即水經之玉符山而魏書所云朗公谷

者在其東南自前代稱為勝境宋金元人題

字最多予至則當兵火之後縱橫偃蹇委之

荆棘瓦礫之中然猶得唐一金合四十餘元

以後不能悉數唐刻為天寶十一載造舍利

函記文不工不且錄而宋刻年月序次以此

首按史李迪謚文定前後三知兗州其再任

乃仁宗天聖中也

滕涉詩

天聖戊辰歲七月奉詔解青社印歸闕粵十四日道出魯經靈巖之山靈巖古地也山經地志頗載奇勝因飭駕游于是於時金火交勝天宇如灼周覽未卒頓獲清涼蓋古之君子登名山覽絕景思有以不忘者矧今相國隴西公復題名于壁余因命筆以繼君子之行兼記歲月而已行右諫議大夫前知青州軍州事滕涉山半舊招提捫蘿躡石梯佳名標四絕勝境出三齋殿古煙霞窟庭深桂柏蹊嶽靈分地界雲

險接天霓香篆清風裊松廊翠巘低飛塵無路入幽鳥隔巖啼破夢泉聲急飄涼竹韻淒微陽生頂上殘月落峯西暫到猶塵慮長居信覺迷致君功業就向此卜幽棲

祖無擇詩

寺有四絕一曰靈巖余以赴官獲茲稅鞅因賦拙句用志其行新通守濟南祖無擇

嘗想靈蹤得道難因回征轡此盤桓松風逗磬僧齋冷石水環堂客夢寒聖作儼同堯典布寺有偃蓋松白雀泉及太古碑猶是魏朝刊最憐山宗皇帝御製御書

色當樓好欲去重来一凭欄

景祐五年十月廿三日

范知章題名

高平范知章希聖公量餞弟敏求赴官相臺太原王廣淵同來題

治平四年十月二十日寺主賜紫廣化大師記

孔舜思詩

題靈巖寺

尚書職方郎中通判齊州孔舜思

忽從平地出塵籠親到諸天釋梵宮却悟冗官長役物爭如大士日談空山橫青壁千層合泉

迸丹崖一線通幽鳥靜啼人外境疎鐘不墮世

間風目無可欲猿猱伏心絕微塵冰鑑融自恨

無緣陪宴坐它生願效種松翁

熙寧九年丙辰十月 日住持傳法賜紫沙門

呂立石

張會宗詩

留題贈靈巖鑒公禪師 守祕書丞分司南京

張宗會

人中令德居高地天下精藍占好山四絕名標清世上十方僧聚白雲間二龍珠照看經靜僧

謂余曰二龍玩珠勢也識雙鶴泉供洗鉢間早晚利
榮韁鎖脫性通三教扣禪關

丁巳三月二十七日

鮮于侁詩

留題靈巖寺七言一首兼簡載師長老 鮮于侁
馬煩箠策車馳轂終歲塵勞常碌碌喜聞巖寺
並山中路轉清溪入幽谷乍行山口疑洞天窮
深一上翻平田千層臺殿隱林木四面石壁生
雲烟山僧迎門笑相揖為語祖師存往迹屈指
于今八百年已在西來達摩前鶴鳴飛止黃金

鈔校書籍

地錫杖湧起清涼泉境稱四絕名天下天台石
橋乃其亞千峰不改歲時寒一水最憐秋月夜
半生遊學頗艱辛且向空山老此身也知方丈
安禪處解笑東西南北人

元豐二年正月五日住持傳法賜紫守載立石

寬亭卞詩

留題靈巖古詩十韻 寬亭卞 卞字下缺石一角

屈指數四絕四絕中最優此景冠天下不獨奇
東州夜月透巖白亂雲和雨收甘泉瀉山腹聖
日穿崖頭大暑不知夏爽氣常如秋風高松子

落天外鐘聲浮祖師生朗石古殿名般舟人巧
不可至天意何所留老僧笑相語此事常窮求
移出蓬萊島待吾仙子遊

元祐庚午三月二十八日東武王璞書

蔡安持詩

四絕之中處最先山圍宮殿鎖雲烟當年鶴馭
歸何處世上猶傳錫杖泉

元祐壬申十月中澣睢陽蔡持資中題

杜欽況詩

靈巖行 杜欽況

山迴路疑絕林深秘巖高鑿翠出金碧開軒列
雲屏希有昔成道久矣斯巖靈法定臥蒼壁白
日穿空明金威指泉竇一鑿秋寒澄定水供言
衆不縮亦不盈如公禪宗秀于世本無營聊為
出山雲乘風任縱橫坐令多寶巖百神轉雷霆
夜月嘯雕虎玉匣開晶熒笑指八解池外流中
不傾何必空山雷始悟物我情
宣和六年三月廿七日書

王淵題名

方渠王淵幾道緣職事訪如師和尚徧觀靈巖

勝迹當日迴歷下
宣和己巳六月十二日書

金王珩詩

巡按詣靈巖名利禮佛焚香憩坐于超然亭覽
堂頭琛公佳製謾繼巖韻 山東路提刑王珩
鍾山英秀草堂靈林下相逢話與清聞道謀身
宜勇退得閒何必待功成

明昌五年十月十五日上方靈巖禪寺住持傳
法沙門廣身立石

路伯達詩

琛公堂頭和尚有題超然亭頌因次其韻 冀
州節使路伯達

六合空明現此亭本來無垢物華清客來便與
團藥坐萬偈何妨信手成

明昌五年十二月十五日上方靈巖禪寺住持
沙門廣琛立石

元傳亭詩

至正乙未秋九月因公赴山東遊靈巖禪寺
秋晚登臨上岱宗扶筇來此謁崆峒間雲送雨
過深洞老鶴將離度遠空白石清泉水未了黃

花紅葉思無窮携書歸隱知何日坐想 山入
夢中

靈巖山房尋同年長清縣尹張君德昭不遇
慈恩塔上題名後京國分時十四年夢想故人
詩句裏坐看黃菊酒杯邊停雲靄靄秋容淡落
葉蕭蕭客恨偏獨倚禪 重搔首又鞭歸騎過

前川

丙申春三月海嶽降御香回重游靈巖次題明
叔詩韻

石徑穿雲雨意涼乘輶重過老僧房門前古柏

凝新翠巖畔幽蘭散異香鶴舞雙泉春水綠龍
歸深洞暮山蒼禪僧久已無拘礙笑我狂遊去
遠方

前進士應奉翰林文字承事郎同知制誥兼國
史院編修官傅學題時弟益男文炳侍行云

此條見金石文字記

右石刻大小不一凡十三通俱在靈巖寺其
宅刻宋時者則有田稹五言詩嘉祐五年王
達千佛殿記元豐庚申李公顏金像記元祐
壬申卞育遊山記大觀戊子郭思遊山記大
觀三年住持仁欽篆書心經大觀四年仁欽

生老病死苦頌仁欽十二時歌仁欽靈巖十
二景詩政和元年淨熙和尚誡文政和五年
劄付政和乙未趙子明題名靖康元年高直
臣題名而蔡卞經碑四幅前元符二年十二
月十三日書後建中靖國元年十一月五日
書在御書樓下特為書家所珍又有面壁像
碑宋建中靖國元年陳師道記金皇統七年
重立金時者則有皇統七年雲公禪師像正
隆丙子張汝為題名大定戊戌蕭守中題名
明昌六年本寺田園記明昌七年党懷英靈

巖寺記元時者則有蛇兒年大元國師法旨
碑蒙古字至元龍兒年帝師法旨碑蒙古字
大德六年天童覺和尚默照銘至正四年察
罕普華碑書唵嘛呢巴彌吽一行漢字一行
蒙古字凡元碑最多不盡錄其稍異者有
至治元年忽都虎郡王太夫人八達氏詩
只二句曰巖前松檜時綠殿上君王歲
春大字刻之六不類婦人筆也又有宋蘇子
由五言驗為後人補刻而復有子瞻徐州一
歌誤刻于此其詩各見集中不錄後之君子

知予之所取者非以二氏之狂瀾拾國朝之落艷而情深好古意在闡幽自有不能已者且因以覽世道之污隆考文辭之醇禪亦豈不為學人之一助哉

唐岱嶽觀雙碑

西一碑北面第一層

顯慶六年二月廿三日敕賜東岳先生郭行真弟子陳蘭茂杜知古馬知止奉為皇帝皇后七日行道並造素像一軀二真人夾侍大周萬歲通而貳率歲次丁酉東明觀三洞道

士孫文雋奉

而用金輪壁神皇帝肆④五①

勅將侍者姚欽元詣此嶽觀祈請行道事畢敬造石而尊像一軀並二真人夾侍庶茲景福永奉壁躬聊記其率用傳不朽 專檢校博城縣主簿關彥博錄事張則上

第二層

久視二率太歲辛丑丑匡乙亥朔二①丙子神都青元觀主麻慈力親承壁旨內賚龍壁御詞繒帛及香等物詣此觀中齋醮功畢伏願我皇萬福寶業恒隆敬勅□□□齡冀同礪而無朽

侍者道士麻弘倩 祇承官朝散郎行兗州
都督府參軍事攝功曹房希聖 祇承官登仕
郎行兗州都督府錄事劉懷彥儀鳳三年三月
三日大洞三景法師葉法善等奉勅于此東岳
修齋設河圖大醮所有□綵等物敬造壁畫元
始天尊萬福天尊像兩鋪功德既畢勒石紀年
此條在左方按儀鳳是高宗年號反在武后之後不可解

第三層

大周長安四季歲次甲辰十一 酉癸未朔十五
①丁酉□□觀威儀師邢虛應法師阮孝波承

儀郎行宮□承劉懷□都□□奉勅于東岳
觀岱岳觀中建金錄大齋卅九日行道設醮奉
章投龍薦璧以本命鎮綵物奉為皇帝敬造石
天尊皇上天尊一鋪十事□壁畫天尊一鋪十
三事敬寫本際經一部度人經十卷欲茲功德
奉福壑躬其匪四①前行道之時忽見①彩揚
光加以抱戴俄頃之際雲色稍殊遂有紫霞間
起黃雲聿興遍覆靈場並成輿蓋觀斯嘉瑞敢
不書之齋醮既終勒文于石 岱岳觀主倫虛
白 專當官宣德郎行兗州都督府參軍事王

處廉 專當官文林郎守博城縣主簿韓仁忠
專當官岳丞劉□□

第四層 大曆八年建醮并造像碑樓題名
剝蝕不全

西碑南面第一層

大周壁歷元年歲次戊戌臘^田癸巳朔貳^〇甲
午大弘道觀主桓道彥弟子晁自揣奉勅于此
東岳設金錄寶齋河圖大醮^泰〇行道兩度投
龍遂感慶雲三見用齋醮物奉為^而冊金輪壁
神皇帝敬造等身老君像一軀並二真人夾侍

兖州團練使都虞侯銀青光祿大夫試衛尉
卿上柱國高晃 兖州團練使押牙忠武將軍
守左武衛大將軍上柱國趙俊 專當官博城
縣尉李嘉應 此三人官銜書作五行從左方起

第二層

大周長安肆率歲次甲辰玖^區甲申朔捌^〇辛
卯勅使內供奉襄州神武縣雲表觀主^立都大
洞參景弟子中岳先生周^立度并將弟子貳^至
金州西城縣^立宮觀道士梁悟^立奉參^田貳拾
玖日勅令自於名山大川投龍壁修无上高元

金玄玉清九轉金房度命齋叁○三夜行道陳設醮禮用能而壑清和風雲靜默神靈效祉表聖壽之無窮者也

專當官朝散郎行參軍燉煌張俊并書

專當官文林郎守博城縣主簿韓仁忠

專當官宣德郎行□□□劉立機

第三層

大唐景雲二年歲次辛亥八月癸卯朔十四日景辰蒲州丹崖觀上坐呂皓仙奉今年閏六月十九日勅往東岳及萊州東海投龍并道次靈

跡修功德將弟子二人蒲靈仙觀道士杜含光丹霞觀道士王元慶道士孫歲暉于此三日三夜卅九人金籙行道設齋醮并投龍□□□朝議郎行倉曹參軍陸大鵬朝議郎行兵曹參軍高岷通直郎行參軍袁幹特宣義郎行瑕丘縣丞裴遇等奉都督齊國公崔處分令此起居呂尊師時屬仲秋謹題斯記

第四層

大唐大曆七年太歲壬子正月癸未朔廿三日乙巳奉勅于岱岳觀修金籙齋醮及于瑤池投

告事畢故題記
 修功德中使內侍魏成信
 判官文林郎守內府丞劉元載
 判官掖庭局丞楊彥瓌
 小使掖庭局丞魏貴珍
 使內供奉道士申升玄
 使翰林供奉道士王瑞靜
 山人王昌宇
 弟子道士李日榮
 駱真運
 大叔法澄
 行官陳顯
 同勾當官朝議郎行乾封縣尉郭璆
 專知齋醮檢校官朝議郎行兗州府參軍王楚
 李志晟
 張守珪
 行官郭元光
 劉仙

第五層題名不全

東一碑北面第一層

大周而禱二率歲次辛卯二
 癸卯朔十日壬子
 金臺觀主中岳先生馬元貞將弟子楊景初
 郭希玄內品官楊君尚歐陽智琮奉瑩神皇帝
 勅緣大周革命令元貞往五岳四瀆投龍作功德
 元貞于此東岳行道章醮投龍作功德一十
 二
 夜又奉勅敬造石元始而尊像並二真人
 夾侍永此岱岳觀中供養
 祇承官宣德郎行兗州都督府倉曹參軍事李叔度

第二層

長安元率歲次辛丑十二匝已亥朔廿三○辛酉道士金臺觀主趙敬同侍者道士劉守貞王懷亮等奉十一匝七○勅於此泰山岱岳觀靈壇修金錄寶齋三○三夜又於觀側靈場之所設五嶽一百廿槃醮禮金龍玉壁並投山訖又○鎮綵紋繒敬造東方玉寶皇上天尊一鋪並二真人仙童仙女夾侍□□□□供養其○祥風暫息瑞雲便停香燭氤氳○匝明朗神靈社吉祥事畢故刻石記時勒名題○
專當官宣義郎行博城縣丞公孫□ 專當齋

并檢校像官博城縣主簿登仕郎董仁智 都檢校官承議郎兗州大都督府戶曹參軍王果

第三層

大唐神龍元年歲次乙巳三月庚辰朔廿八日丁未大弘道觀法師阮孝波道士劉思禮品官楊嘉福李立本等奉勅于岱岳觀建金錄寶齋卅九人九日九夜行道并設醮投龍功德既畢以本命鎮綵等物奉為皇帝皇后敬造石玄真萬福天尊像一鋪
檢校尚書駕部郎中使持節都督兗州諸軍事

兼兗州刺史侍御史元 本州團練使任要貞
 元十四年正月十一日立春登嶽遂登太平頂
 宿其年十二月廿一日立春再來致祭茶宴于
 茲
 同遊詩客京兆韋洪押衙王遷運 乾封縣令
 王怱尉邵程嶽令元寘造車十將程日昇後到
 續題 給事郎試太子中允劉秀良書
 此因神龍記後石有空處遂附題焉中唐以
 至宋初太率如此其書從左方起
 第四層

大唐景龍二年歲在戊申二月甲子朔十二日
 乙亥大龍興觀□□□□勅往東岳陳章醮薦
 龍壁以其月廿七日辛卯於太岳觀并上□□
 □□設金錄行道九日九夜燒香然燈并設五
 岳名山河圖等醮□□□功德事畢奉用本命
 紋繒及餘鎮綵敬造鎮國天尊一鋪一十六事
 □□□皇猷永固與靈岳而恒安國祚長 等
 玄都而自久朝議郎行兗州□□□軍事王翰
 朝散郎行兗州都督府參軍事上柱國兼直安
 樂公主府□□□乾封縣令上柱國張懷貞儒

林郎行乾封縣主簿 騎都尉韓仁忠等恭承
睿旨沐浴身心虔拜靈壇勤亦至矣稽首無上
而為讚曰泰山巖巖兮臨紫氣中有羣仙兮乘
白雲陳金薦壁兮□□□□臘月中與韋元曹
遊發生洞徘徊之際見雙白蝙蝠三飛洞門時
多異之同為口號 任要 山翠幕靈洞洞深
玄想微一隻白蝙蝠三度向明飛雖然有兩翅
了自無毛衣若非飽石髓那得凌□□偶見歸
堪說殊勝不見歸 同前韋洪 欲驗發生洞
先開冰雪行窺臨見二翼色素飛無聲狀類白

蝙蝠幽感騰化精應知五馬來啟蟄迎春榮露
晃□之久鳴騶還慰情 此六附題從左方起

東碑南面第一層

大唐景龍三年歲次己酉三月戊午朔十九日
景子奉勅令號州龍興觀主杜大素蒲州丹霞
觀監齋呂皓仙京景龍觀大德曹正一等三人
于此泰山岱岳觀建金錄大齋報賽前恩追濟
兗等州大德卅九人七日七夜轉經行道設河
圖大醮更祈後福以申告請七日之中遂呈四
瑞白鶴騰輝拂霞莊而矯色黃雲覆彩映巖穴

此文已見前

以通光絲雨飛禎家示九年之蓄烏曦抱戴壽
延千載之君記時日于青郊勒奇工於翠琬夾
紵像一鋪十事二聖本命鎮彩修造

戶曹盧近觀 縣令張懷貞 主簿韓仁忠

第二層

景雲二年勅 已見前

開元十九年十一月都大弘觀道主張遊霧京
景龍觀大德楊琬建立真君于此修齋三日三
夜專當官朝散郎曲阜主簿上官賓登仕郎乾
封縣尉王去非瑕邱尉攝此縣盧昊

第三層

歲六月我皇有意于神仙勅使正議大夫內給
事梁思陀寺伯俱玄明等與道士任無名于東
岳泰山投龍合練寵以紫綉送以紺錢皇皇焉
濟濟焉乘傳而來矣都督韋君仰祇帝命遠挹
使車爰擇幹明式經構葺朝議郎行功曹蓋寡
疑宣德郎行參軍李烈恭行郡命屆茲岱嶺因
太山之木用近土之人鑿碧巖壘丹竈列星柱
亘虹梁匠無宿春農不下壟嘗未洽日厥功已
成棟宇以來莫籌其速乾封主簿趙春持劇務

以應諾總羣事而趨走恪勤匪懈不遑自寧息
徒庀工刻詞貞石于時開元八年歲次庚申七
月壬子朔廿日辛未畢此功也 瑕邱尉攝此
縣盧昊

第四層

開元廿年二月八日勅使內侍省謁者監胡寂
判官掖庭局監作甯君愛□上騎都尉王元德
專知官登仕郎行乾封縣尉王去非 驅使官
樂瓌題記以上從左方起
淄川刺史王圓山人王昌字大歷十四年二月

此文已見前

廿七日同登泰岳時真君道士山皓然萬歲道
士郭紫微各攜茶藥相候于迴馬嶺同憩于王
母池登臨之興無所不至以上從右方起

第五層

平盧淄青度支判官中大夫檢校尚書工部郎
兼侍御史敬謩 節度押牙中大夫試殿中監
馮珣 山人呂滔 文林郎守兗州府兵曹參
軍田浩 文林郎任城縣尉高鏗 朝散大夫
行任城縣令權知乾符縣令楊序 節度驅使
官朝散郎試光祿寺主簿明幹 唐建中元年

二月廿九日同□□岳因訪瑤池故志之

東側面

早春陪勅使麻先生祭岳詩 已見前

西側面

五言贈諸法師 宣承郎行博城縣丞公孫杲
駕鶴排朱霧乘鸞入紫烟凌晨味潭菊薄暮玩
峯蓮玉葉低梁下金颺引窻前嘯傲雲霞際留

情鱗羽年

西側面各有題名猥雜不錄西側面上有一

題名云長清董元康權宰奉高受代將歸同
王彥文遊 政和甲午重九日崇道繼至此
惟一條是宋人書

唐李夔詩

恒嶽晨望有懷 定州司馬李夔

二儀均四序五嶽分九州靈造良難測神功匪
易酬恒山北臨岱秀壑東跨幽瀕洞鎮河朔差
我冠嵩邱裡祠彰舊典壇廟列平疇古樹侵雲
密飛泉界道流從官叨佐理銜命奉珍瑤薦玉
申誠效錫金諒有由郊原初照日林薄委徂秋

此條見金石文字記

塞近風聲厲川長霧氣收他鄉饒感激歸望切
祈求景福如光願私門當復侯

右詩在真定府曲陽縣北嶽廟中廟有唐時
大碑五其一韋虛心文陳懷志書行草其一
張嘉貞文自書其一鄭子春文崔鏤八分書
其一李荃文戴千齡八分書其一劉端文王
知新書行草碑陰及兩旁刻字皆滿其上層
為積土所蓋而余至時倉卒求梯不可得止
就下方讀之大率皆貞元至天祐十數朝祭
岳題名亦有宋人刻字獨此詩在韋碑後文

鈔校書籍

似指胡震亨

雖不工然予見近代君子搜剔唐人之詩至
于無名氏不知何代人之作皆收而附之而
此灼然不誤者乃不得與斷簡殘編之列又
北嶽廟自大碑之外絕無題詠故特錄焉又
有宋王禹偁陳彭年韓琦三大碑及白憲書
石幢一字皆可觀而稚圭自書逼真顏魯公
世人傳其字者罕也

李克用題名

河東節度使檢校太保同中書門下平章事隴
西郡王李克用以幽鎮侵擾中山領蕃漢步騎

此又見金石文字記

五十萬衆親來救援與定司空同申祈禱翌日
 過常山問罪時中和五年二月廿一日克用記
 易定節度使檢校司空王處存看題至三月十
 七日以幽州請就和斷遂却班師再謁辟容兼
 申賽謝便取飛狐路却歸河東克用重記下小字云
天會十二年七月六日尚書都官員外郎知曲陽縣事高君陳模刊
 右石刻在北嶽廟中大字甚佳克用沙陀之
 子不聞工於筆法宣和書譜謂朱梁太祖批
 答賀表當是筆史所書此亦其類與宋沈括
 筆談云嶽祠在曲陽祠中多唐人故碑殿前

一亭中有李克用題名則知此字當時所刻
 或毀于靖康之兵火而金天會十二年重刻
 之金石也又存中言北嶽常山今謂之大茂
 山是也半屬契丹以大茂山分脊為界嶽祠
 舊在山下石晉之後稍遷近裏今其地謂之
 神棚却恐未然按碑宋初祠為契丹所焚淳
 化二年曾遷而唐朝巨碑皆在其中亦非徙
 至者也王貞遊三關記云廟貌著于唐不自
 宋始可信
 宋蘇軾題名

蘇軾禱雨嶽祠同李之儀李士龍郭長卿孫敏行□□賈溫之

右小石刻舊在嶽廟今移縣治賓館又有子瞻書詞歸去來兮一闕清夜無塵一闕九十日春一闕用石二片兩面書之舊在縣西北二里水竇巖今移岳廟皆大字其詞見蘇文忠公集中

吳越武肅王墻隍廟記

重修墻隍神廟兼奏進封崇福侯記
若夫冥陽共理之規人神相贊之道傳于史冊

今昔同符切以浙東地號奧區古之越國當舟車輻湊之會是江潮衝要之津自隋末移築于墻因遷公署據卧龍之高阜雉堞穹崇對鏡水之清波風煙爽朗緬惟深固宜叶冥扶故唐右衛將軍總管龐公諱玉頃握圭符首臨戎政披榛建府吐哺綏民仁施則冬日均和威肅則秋霜布令屬墻愛戴黔庶訶謠尋而罷市興嗟餘芳不泯衆情追仰共立嚴祠鎮百雉之岡巖宰軍民之禍福殿堂隆邃儀衛精嚴式修如在之儀仰託儲靈之蔭往載覺生劉氏妖起羅平予

躬稟睿謀恭行天討數年擐甲兩復越牆皆資
 彤鬻之功以就戡平之業特為重增儀像嚴潔
 牲牢邇來四野無塵重門罷柝丁卯歲揚旌東
 渡巡撫軍民躬奠楸漿日瞻靈像每暢吳風越
 俗共歌道泰人安昔為兩鎮之疆今作一家之
 慶遂馳牋表請降封崇所異朝恩與西使始牧
 齊標疑有誤美稱共泰密對濛尋蒙天澤果賜
 允俞頒崇福之嘉名昇五等之尊爵其所奉勅
 命具列如左右小字
 勅鎮東軍墻隍神龐玉前朝名將劇郡良材傾

當作

因剖竹之辰實有披榛之績勅修府署綬

緝當作

吏民豈獨遺愛在人抑亦垂名終古况

錢鏐任隆三鎮功顯十臣能求福而不回致效
 靈而必應願加懿號以表冥符宜旌爰業之功
 用顯優隆之澤宜賜號崇福侯仍付所司牒至
 准勅者右大字

噫乎人惟神祐神實人依爰自始建金湯肅陳
 祠宇奠茲中壘三百年来雖享非馨未登列爵
 今則值予佐國連統藩維啓吳越之雙封為東
 南之盟主况遇金行符籙梁德克昌道既泰于

君臣澤遂加于幽顯獲申奏薦遽降徽章今則象軸煥新龍綸遠至表勳名于萬代昭靈感于千秋固當永荷皇私長垂幽贊保我藩宣之地遐清災沴之源共泰斯民永安吾土烜矣赫矣永作輝華今當吳越雙封一王理事六仗土地陰隲冥力護持神既助今日之光榮予亦報幽靈之煥耀但慮炎涼改易星歲徂遷不記修崇莫源事始聊刊貞石以示後來時大梁開平二年歲在武辰 月 啟聖匡運同德功臣淮南鎮海鎮東等軍節度使檢校太師守侍

此條見金石文字記

中兼中書令吳越王鏐記

右碑在紹興府臥龍山西岡上城隍廟中此碑以城為墻以戌為武問之越人皆茫然莫對錢塘吳任臣博物君子也一日予舉此碑詰之答曰五代史梁本紀註曰梁嘗更戌曰武朱溫父名成戌字類成故改之城之改墻亦此故也然本紀言溫父名誠非成亦豈歐陽公誤耶 予按舊唐書哀帝紀天祐二年七月勅全忠請鑄河中晉絳諸縣印縣名內有城字並落下如密鄭絳蒲例單名為文九

月勅武成王廟宜改為武明王十月勅改成
德軍一曰武順管內棗城縣曰棗平信都曰
堯都藥城曰藥氏阜城曰漢阜臨城曰房子
避全忠祖父名也十一月勅改潞州潞城縣
曰潞子黎城曰黎亭又勅改河南告城縣曰
陽邑蔡州襄城縣曰苞亭同州韓城縣曰緯
元絳州翼城縣曰澮川鄆州鄆城縣曰萬安
慈州文城縣曰屈邑澤州晉城縣曰高都陽
城縣曰濩澤安州應城縣曰應陽洪州豐城
縣曰吳高又按五代史成德軍梁初以成音

犯廟諱改曰武順其曰音則以二字同音而
避之禮所謂嫌名者非誤也又曾子固因跋
韓公井記云成改為墻者梁太祖父烈祖名
誠當時避之此更可據然因成而改戊甚為
迂曲周公謹齊東野語亦云此全無義理又
戊本音茂不知何以有武音而鄭樵謂十辰
十二日皆為假借甲本戈甲乙本魚腸丙本
魚尾丁本蠆尾戊本武己本几又不知其說
何所本也
又按城隍二字始見于易爻城復于隍之文

說文隍城地也有水曰池無水曰隍而非以
為神也禮曰諸侯祭五祀而國門居其一鄭
氏以國門為城門則始有祭城之說而非以
為一國之主也洪武二年禮官奏城隍之祀
莫詳其始唐李陽冰縉雲城隍記謂祀典無
之惟吳越有之然成都城隍祠太和中李德
裕所建而張說有祭城隍文韓愈有祭潮州
袁州城隍文杜牧有祭黃州城隍文則不獨
吳越也蕪湖城隍建于吳赤烏二年北齊慕
容儼梁武陵王紀城隍神皆書于史則又不

始于唐也予考其所云赤烏年者固不足憑
而大約起于南北朝之世至唐末而無地不
祠無州不祭又必指一人以當之如吳之春
申君永嘉之周苛南昌之灌嬰潤州之紀信
而此郡則以為前總管之龐玉地祇人鬼合
為一身祀典之不经至斯而極已或曰如子
之言則令甲所封為神者非與非人鬼也而
可以察人間之善惡與曰奚不可哉在古有
之國社里社庶人所得而祭也啟之戰甘曰
不用命戮于社而王莽之誓其下曰有不為

新室者社鬼記之是固以土神而司生殺之柄者也今之城隍古之社也名異而實同國家之所奉神則馮焉不必其託于人鬼而後能靈爽也予既錄此碑封號而慮為後人之諂鬼者助之左證也故并論之

宋勅碑

勅賜昭祐公碑 碑額篆文

尚書省牒 越州顯寧廟昭祐公 大字

太常寺狀准尚書省劄子三省同奉聖旨駐蹕會稽今已逾歲妖祲不作行殿載寧越州城隍

廟崇福侯可特賜額封公竝今太常寺擬定申尚書省依准今降聖旨指揮欲擬昭祐公伏乞朝廷詳酌指揮施行申聞事 城隍廟崇福侯

右小字

牒奉勅朕展義東南駐蹕都會宮室城郭之必葺殆歲之周氛祲妖孽之弗興繫神之佑是用錫上公之尊爵加二字之榮名不顯其光庸示無窮之報自今以始常儲有羨之祥宜特封昭裕公牒至准勅故牒 右大字

紹興元年五月 牒 牒字上有尚書省印

參知政事張怙官銜俱在中半截寫起
尚書右僕射尚書門下省字

少傅鎮潼軍節度使判紹興軍府事兼提舉學
事兼管內勸農使充兩浙東路安撫使馬步軍
都總管信安郡王食邑七千二百戶食實封叁
仟肆伯戶孟忠厚立石

右碑在城隍廟中其陰大書曰賜顯寧廟額
勅按宋史建炎四年四月癸未帝駐蹕越州
五月癸丑以張守參知政事與碑合
晉祠宋人題名

熙寧戊申歲秋九月十四日范陽盧大雅君美
臨川王安禮和甫清源王本安國同謁晉祠舍
均福堂明日如白雲石甕宿明仙又明日遊甘
泉開化而歸本題本字从木从十
太原王安脩世長廣平程易先之安陽蔣旼渭
公熙寧癸丑孟夏同遊

龍圖閣學士河東經畧安撫使曾布提點刑獄
朝奉大夫范子諒躬率僚吏禱雨祠下通判太
原軍府事田盛高復簽書河東節度判官盧訥
知陽曲縣馮忱之走馬承受王演檢法官史辯

從行元祐丙寅歲七月十三日訥謹題 刊者
任貺

開封苗仲淵師顏自湖南提刑移本路政和五
年十月晦祇見祠下男丕侍

宋王安禮題名

臨川王安禮赴官太原過謁祠下因與錢塘楊
世昌河南張仲咨會于泉亭熙寧戊申三月十

四日題

右題名在太原縣晉祠御書碑陰其碑為晉
祠之銘并序唐貞觀二十一年太宗御製并

此條見金石文字記

書其文世多有不錄獨碑陰字體不一其上
右方云司徒太子太師上柱國趙國公臣無
忌太子太保上柱國宋國公臣瑀特進太子
詹事兼左衛率上柱國英國公臣勣光祿大
夫刑部尚書上柱國鄭國公臣張亮禮部尚
書上柱國江夏郡王臣道宗太常卿駙馬都
尉上柱國安德郡公臣楊師道正議大夫守
中書令太子左庶子兼攝吏部尚書護軍臣
馬周凡七行則當日題者今世流傳摹拓本
無此不為完碑其餘則皆宋人續題錯亂無

次其空處又有洪武二年行省參知政事楊憲題而絕無唐人題者以御書之碑不敢擅刻故也今錄者四條

呂惠卿詩

留題興安王廟 資政殿大學士河東路經畧

安撫使呂惠卿

翦葉疏封意歸禾協濟心遺風因唐遠積德本

周深逝水悲興廢浮雲閱古今祠宮尚翬翼鳴

玉漱松陰

右小石刻在晉祠 距府西南四十里懸甕

此條見金石文字記

山之麓晉水之所發源後人於此引池結亭架橋其上林木翳然足為一方之勝其廟負山而東面者晉水之神南面者唐叔之神後晉天福中封唐叔為興安王而宋時又封晉水為顯靈昭濟聖母飾為婦人之像今之人但言聖母而不復知有唐叔為古先有土之君矣故特錄此詩亦以此祠自唐御書之外別無文字故也祠前蓮花臺上有鐵人四一紹聖四年一五年造俱完一弘治十一年一無年月俱壞因知今人制作不逮古人類如

此豈獨文章也哉

惠明寺碑陰題名

晉慈王植安陽王孝彥西河文大方臨川王安
禮祀神歸憩此辛亥三月十四日

太原縣北門外惠明寺塔碑宋元豐八年呂
惠卿撰并書其陰下方有此三十一大字餘
題尚多不錄凡碑文必面在先陰在後此碑
元豐八年立為乙丑之歲而陰所題辛亥反
在其前十有四年不可曉也豈非惠卿磨去
前人之文而自刻之者與其陰歲月之猶存

此條見金石文字記

則固心勞日拙而亦天地之未盡泯者與夫
毀人以自成君子之所深戒而今之名公貴
人為此者比也嗟乎古碑之所以多不存
于世其不以此也哉

霍山中鎮廟宋陳綱詩

留題霍山應聖公廟 太常博士知晉州陳綱
峻極巍峩勢望雄層巒疊嶂翠重、為神有感
興唐祚作鎮無疆福晉封材產十州資構厦泉
分數邑潤耕農幽巖舊榻高人隱絕頂遺墳古
帝蹤欲雨片雲生峭壁未明先日照危峰斷崖

當午晴雷震深壑經秋積靄濃樵去每逢遊洞
鹿僧禪時見戲潭龍名光祀典傳千載御祝牲
牢致享恭

大中祥符五年六月二十五日寄嵐軍判官鄭
世卿書 栗再興刻字

元趙毅詩

謁中鎮崇德應靈王廟詩用宋太常博士陳綱

韻

凌晨策馬趨靈宮紫紆一迳松蘿重兩山對聳
忽開豁參差殿閣蒼煙封溪迴路轉得平土雲

和韻而不嚴其體
又一格

間雞犬存莊農廟廷喬木巢野鶴沙瀨虎蹄遺
新蹤仰觀絕頂倚霄漢陪山劍戟攢羣峰霏
嵐光翠欲滴深林綠動春意濃包含元氣蓄雷
雨巨壑湛蔚藏神龍天香屢降祈年穀有司時
祀宜彌恭
至正元年秋奉議大夫太常禮儀院判官趙毅
謹書 知宮武德柔立石

建文碑

維建文元年歲次己卯二月壬寅朔二十二日
癸亥皇帝遣序班周教國子監生袁綱致祭于

中鎮霍山之神曰予荷昊天祐命承皇祖丕緒
正大寶位統率神人乃正月壬午祇祭上帝于
南郊山川百神既與奠享尚以未能特脩祀事
于祠下為憾是用遣官奉香幣牲醴致祭維神
以靈峻之德作鎮中土時出雲雨協相兆民以
稱予懷柔之意焉尚饗

後列陪祭官霍州知州
等官及執事生員吏典姓名

右小石刻一通在霍山中鎮廟西壁上予行
天下見洪武永樂以來祭告岳瀆之文及它
碑記甚多獨未有建文年者意其在位日淺

此條見金石文字記

又或文皇御宇之日而臣下之獻諛者從而
剷去之也乃此文襍于數十百碑之中而字
畫完好無缺故亟錄之後之君子每痛國史
不存建文一代事蹟無從考證若使通雅之
士歷深山窮谷而求之如此碑者世間或尚
有一二不止霍山廟也不猶愈于羅永菴之
詩程濟史彬之錄偽撰而無稽者乎因并書
之以告後人之能信古者

大周無上孝明高皇后碑銘

并序

臣聞二儀合德中黃承太紫之庭兩曜齊明玉

兔儷金烏之象是以九霄高映星躔乘婺女之
精十野傍羅當作羅媯水叶娥皇之德亦有西陵
美族□□軒帝之宮南土嘉媒入娉夏王之幄
其後太任端一即創文基太姒勤勞還開武運
故知皇三事業咸資坤□之功帝五風謠必藉
陰靈之化無上孝明高皇后弘農掌□□出自
有周盖唐叔虞之後□原夫赤烏流火丹雀銜
書□開夢梓之祥旋茂翦桐之業自唐郊徙邑
晉野裁封即胙土而□家啟禎符而得姓周則
志為大將承九代之餘資秦則歛為上卿居七

城之重任豈直□□丹轂金莩烏矣於都畿四
代白環玉緒蟬聯於海縣子雲博識吐鳳搗詞
伯起高材銜鱣襲祉誕□不墜降靈相屬神基
與紫微爭高仙派共黃河俱遠所以□隆鍾鼎
□積衣冠五公則異代相傳八子則殊□聞出
詳諸□□可略而言曾祖諱定後魏都督歷新
興太原二郡太守并州刺史晉昌穆侯宏材卓
犖峻局深沈丹山有象□之彩綠□見遺風之
步褰帷按俗風行馭竹之郊露冕臨□化偃焚
林之阜豈直鄧攸罷郡深歎雞鳴劉寵辭官方

憂犬吠祖諱紹後魏征西將軍金紫光祿大夫
 兼通直散騎常侍驃騎大將軍周開府儀同三
 司封儻城郡公廊幽燕三州刺史贈使持節大
 將軍成文扶鄧洮五州諸軍事成州刺史謚曰
 信聲飛漸陸響逸鳴臯器重南金材橫東箭謀
 深八陣勇冠三軍既隆投石之勲果踐銜珠之
 秩加以金龜結紐銅虎虎字再見末筆俱分符
 轉扇揚風停車待雨童兒結要無欺一口之期
 親友論刑自得二口之詠父鄭恭王諱達周內
 史中大夫隋開府儀同三司黃門內史吏部刑

部二侍郎尚書左右丞趙鄩二州刺史工部吏
 部二尚書納言營東都大監將作大匠武衛將
 軍左光祿大夫遂寧恭公贈吏部尚書唐贈尚
 書左僕射垂拱二口封鄭王食邑一萬戶依舊
 謚曰恭即雍州牧司徒觀德王之季弟也量包
 江海氣逸煙霄文則呂氏春秋武則孫吳兵法
 箕裘代襲鏘萬石之君禮樂基身翼千金
 之子鸞迴玉札鴈落琯弓激水張鱗遙浮渤澥
 搏風理翰直上扶搖累踐崇階頻昇顯秩膏韉
 北關位總猊猊曳履南宮聲高鶴鷺貂冠入侍

氣應連珠隼旆分班榮參執玉加以累仁鍾祉
 積德延祥四履開封寵及九泉之路千乘口禮
 恩覃萬古之前棠棣相輝鶴鴿交映劉家兩驥
 譽滿寰中荀氏八龍名高海內通門向術冠蓋
 成陰甲第當衢歌鐘就列伏惟無上孝明高皇
 后資靈口魄毓粹口宮承茂祉於瑤筐降仙儀
 于金屋聲馳北當作北歲潜流夢口之祥譽表笄
 口暗積捫口之貺蘭襟散馥蕙問揚翹懿則重
 于邦家柔儀冠于今昔忠圖孝範援翠竹而凌
 霜媛德婉容引青松而冒雪禮枝含秀藻七誠

於情田行葉分芳籠九師于牲府徽猷內湛韶
 姿外發懸明鏡于積水之間振青颯于長松之
 上貞規漢遠亮節秋高翠樓紅口從來未重龍
 梭鳳杼本自多輕簡素鄙鞏繡之工靜默尚韋
 編之道明詩習禮豈惟秋菊之銘閱史披圖寧
 止春椒之頌學標天縱開道德之清關業契生
 知入文章之妙境曾于方寸具寫千言總遊霧
 於毫端窮偃波于筆杪芝英雲氣入魏帳而分
 輝龍爪魚形映張池而散彩嘗題一簡密記貞
 心置以緘滕藏之屋壁云當使惡無聞於九族

善有布于四方指此立身期之必遂後因修宅
匠者得之恭王見而歎曰此隆家之女矣昔者
書堂欲壞唯聞絲竹之音劍匣將開空覩蛟龍
之氣未有仁心暗徹睿德冥通橫宇宙而無違
滿乾坤而自應若乃行該□義孝極□經親枕
席而忘疲候晨昏而靡倦及乎風枝不靜露蓼
含哀□厚□而無追仰曾穹而莫報思欲託三
乘之妙果憑五演之玄宗永奉嚴親長栖雅志
昔隋季喪亂海內沸騰伏鼈垂□風塵暗起羣
龍戰野旗鼓潛張白騎于是爭驅青犢由之競

擾蚩尤則餐沙食石項羽則索鐵申鉤赤眉探
盆子之籌黃巾聚□師之米夫三才合契惟神
膺大寶之名大位乘時惟□運洪鑪之德唐高
祖神堯皇帝材雄鵠起業峻龍飛用丹宸而寧
□將朱旗而撲亂□網既紐竟收龍鳳之圖□
角咸清遂翦豺狼之毒無上孝明高皇帝觀時
有作應運而生先知赤伏之言預識黃□之兆
功深坐樹績茂披荆負伊鼎而陳謀入張帷而
建策龍鈴獨運當赤□之三千獸節長驅偶皇
□之百六息崑山之巨燎並藉中權定滄海之

橫流或資上策志同魚水契若鹽梅如魏武之
得荀攸似漢光之逢鄧禹雖英圖盛烈昭鶴鼎
於高門而閩則嬪風關魚軒於中饋高祖神堯
皇帝位膺元首任切股肱利涉大川寄隆舟楫
式崇勲舊為結潘楊酬功草昧之時賞効雲雷
之□高后以孝誠純至雅操虛沖拒縲禮於移
□誓閑襟於□□六塵不染孤標水上之花四
諦方披獨晤□中之□泊乎鳳凰開繇猶堅匪
席之心烏鵲成橋果迫如綸之命於是使桂陽
公主為婚主禮聘所須並令官給既而三□叶

兆百兩邀歡與松蘿而比茂諧瑟琴而流響風
閨少女襲蘭蕙而馳芬□幌仙娥韻珩璜而動
步光生綺殿比桃李而增鮮影發春樓視雲霞
而掩色八絃欽其雅躅四海挹其鴻猷徽猶羽
翼之宗鸞鳳風雲之隨龍虎者矣廟見斯畢即
拜應□夫□從班例也于是帝圖肇建王業□
基三戶亡秦覺風塵之始定四門闢舜識雷雨
之將調□無鬪□之妖□息崩山之禍主上方
勤庶政屬想羣黎將貽共理之憂式廣求賢之
務無上孝明高皇帝以勲兼竹帛義重金蘭備

歷文武昭昇內外三踐八元之位四臨九伯之
途中臺飛署劍之榮南服總班條之任高后以
業光圖史道叶墳簷欲啟神明實資陰助是以
□□□海令未發而風移化穆荆衡澤將流而
□悅呼鷹臺下尚隔去思抵鵲巖前始歌來晚
俄而高祖晏駕瞻脫屣而無留太祖崩號奉遺
弓而積慕沈綿遽軫終無就□之期痼疾湍淹
忽切乘□之釁高后哀深杞堞誓切柏舟悲一
劍之先沉怨雙桐之半死昔時寶鏡愴對孤鸞
舊日瑤琴悲聞獨鶴銜冤茹痛撫總帳而增號

弔影傷魂踐霜閨而凝暮方祈淨業敬託良緣
憑慧炬於幽途艤慈舟於覺海于是心持寶偈
手寫金言字落貫花詞分半□龍藏豈及象負
難勝將佛□而長懸共慈燈而不滅及龍旌首
次蠶紉遵途水惟憑附之誠願託丘榛之側方
冀鷓棲梓樹丘接埏庭鶴舞松枝傍當作依遂
路特以□上□居膝下愛切掌中理藉劬勞方
資顧復宣和諭善屢積葭灰□就□□頻移柘
火至永徽六□上母儀萬□□位六宮將開練
當作鍊石之基乃遂頽沙之祉大帝以西京命賞

平原之秩未弘東漢宗恩新野之封猶褊於是
廣流玄霈大啟黃扉稽石竅之遺塵裂寶符之
□□即以其□十一□冊拜代□夫□食湯沐
邑一千戶品□第一位在王公母妻之上魚軒
水□颺輕影于龍池暈服霞明下鮮文於鳳掖
榮由德被位匪恩昇驟應嘉名徙昭洪澤以顯
慶五□十□轉拜榮□夫□尋改封鄴□夫□
自家疏槐里門荷椒庭累沐殊輝頻移茂典南
鄰夜□奏鐘磬于高臺北里晨通列笙竽于廣
榭門有攝珠之客家豐饌玉之廚恒處逸而思

勞每將昇而必降綠墀青鎖特忿玉根火布金
蛇深非梁冀謙撝之美萬□仰而知勤端潔之
風九圍欽而取則智周寰宇識洞古今思所以
匡□庇□濟時軌物嘉謨謹說屢發於神襟厚
利豐功頻彰于帝念奉便削藁□莫能知每以
孔光祕言合為□之道山濤密啓得事□之要
可久可大置黔首於生成惟幾惟深頓蒼元於
覆□至若緣情體物屬事比辭取之以義方先
之以風化清詞海富縟藻雲縈凡所著述皆成
典訓其動也方其靜也直其恩也若春雨之流

津其威也若秋霜之應節接上以禮逮下以仁
君子懷其德小□懷其惠□機獨轉靈臺迴燭
虛鑒與□接齊明神理共陰陽比奧洋乎不
可得而稱也既而離宮霧闢遙橫□乳之山別
館□開上戴□眉之宿甘泉避暑方陪萬乘之
遊景福追涼更扈六龍之駕不謂災纏霧露疾
積膏肓丹宸凝慈召名醫而接軫紫霄流渥下
珍藥而相望玉斧徒煎竟乏長生之術金丹莫
就終無駐壽之期咸亨元□八□二□崩于九
成宮之山第春秋九十有二上以身濟霄極禮

闕晨昏戀隔九重望長筵而下泣心馳五起瞻
厚褥而銜悲大帝慮不勝哀祕茲凶問首筵欲
對仍流不次之恩菜服將臨更下非常之澤仍
改封衛□夫□以諭上之憂懸也后疾將大漸
□落高春雅志無昏神情不撓影隨燈滅自此
長辭魂逐香銷終無輟反以為合葬非古禮貴
從宜將追罔極之慈願在先塋之側上奉遵遺
旨無忝徽音割同穴之芳規就循陔之懿躅即
以其□庚午閏九□辛丑朔廿一□辛酉遷座
于雍州咸陽縣之洪瀆原鄭恭王舊塋之左禮

也爾其郊原塊□林薄阡眠秦□關河迴接寶
雞之野漢家墳壠平依金狄之川松檟森沈何
□鳥住風煙蕭索幾代□亡於是凝恨九□廢
朝三□空山露泣痛結飛行曠野雲愁悲纏草
樹乃下制贈魯□大夫□謚曰忠烈仍令司刑
太常伯盧承慶攝同文□卿充監護大使右肅
機皇甫公義等為副賜東園祕器每事官供務
從優厚仍令西臺侍郎道□公戴至德持節弔
祭京官文武九品已上及諸親命婦並赴宅弔
哭仍送至渭橋葬事並依王禮給班劍四十□

羽葆鼓吹儀仗送至墓所往還官為立碑親紆
御札上因心轉切錫類方弘希申莫大之懷冀
展飾終之請烏墳欲列思增茅土之儀鶴隴將
崇願廣山河之誓遂得五雲飛彩墜仙液於松
塋十□迴光被曾輝于蒿里乃下制贈太原郡
王妃餘如故所司備禮冊命大帝親御橫門開
軒悲哭紫宸哀痛黃屋淒涼□□為之寢光煙
雲由其輟色上以幽明永隔此姑長辭終無再
見之因鎮結千秋之恨奔曦已遠薦霜堇而無
□逝水難追饋冰魚而未□又以嚴規早墜遠

卜厝於鄉墳慈蔭重傾近陪親于京壠陵塋眇
 隅長懸兩□之悲關塞遙分每切百身之痛遂
 命大使備法物自吳陵迎魂歸于順陵烏遊冠
 遠降墜鳥遙遷方移沛邑之魂更啟橋山之域
 白雲朝起乍伴龍輔明□宵懸時低蠡衛文明
 元□上臨朝其年九□追尊先妃曰魏王妃食
 邑一萬戶實封加滿五千戶改咸陽園寢曰順
 義陵大名□啟奧壤□分古樹捎雲近對黑龍
 之水荒墳映□傍當作鄰丹鳳之城徽號既崇
 園陵□廣屬以圖書河洛龜負鳳銜窻闥方圓

雲攢霧矯合宮重屋既布政而嚴裡玉輦金輿
 且巡河而拜洛永昌元□追尊先妃曰忠孝太
 后既而謳歌允集獄訟知歸□垂革命之符□
 涌受終之錄立珪錫禹還逢揖讓之□黑玉歸
 商即啟休明之運九莖仙草依漢殿而抽芳五
 色祥雲繞軒營而布彩下從□望上應□心乘
 寶位於通三建瑤圖于得一黃琮蒼璧祀□郊
 □複廟重檐宗文祖武鴻名肇創光鳳闈於幽
 泉茂禮將加飾鸞闈於長夜□□元□追尊曰
 孝明高皇后陵曰順陵復以祥分貝葉瑞演龍

花金容開十□之圖玉相告三空之識龍軒黠
黠俄為兜率之□鳳闕峒峒忽似須彌之座金
輪既轉玉鏡方懸式詮無上之文□顯崇親之
義長壽二□后位之上又加無上兩字尋又下
制改順陵曰望鳳臺東京故事西漢遺塵封樹
空存追崇未廣豈若宸襟鎮結長懷露序之哀
睿念恒纏水積霜旻之慕遙瞻鳳野式建嘉名
遠望鷦郊長懸美稱且夫功成翼贊尚畫雲臺
勩擅勲庸猶題麟閣況乎倪□茂德貫□殊禎
垂母則於寰區導嬪風于邦□豈可使炎涼暗

積陵谷潛移唯裁舞鶴之松不刻盤龍之石上
凝懷萬化長想千齡恐□軸之西迴懼二關之
北轉方圖琬琰式降絲綸永嗟仙鶴之歌用固
靈龜之卜微□攀輝□樹沐潤□潢榮忝綠車
職兼青史奉先追遠恒積慕於丹誠相質披文
忽承恩于紫誥是用恭抽弱思敬述洪猷屑瓦
徒勤生金媿妙揮毫奪魄陳萬一而寧窮伏紙
驚魂辭再三而不獲竣巡拜首乃作詞云
邈矣上古悠哉厥□□迴紫府□轉黃輿陰陽
蕩薄□□居諸靈龜負識寶鳳銜書其六位既

陳三才乃立帝皇鬱起后妃更龍蛟電遙凝虹

□下入渭溪疏派塗山是葺其明：高后奕

輝光白環代鬱丹較家昌靈基嶽峻曾派河長

捫□集祉浴□開祥其爰自生育早彰尊貴□

出□流青龍翠氣金屋是貯玉衣方萃燕卵非

奇雞珠寧異其芝蘭吐葉桃李開花黃雲白氣

夜□朝霞賢明自負仁孝無加曾霄降藥祕篋

飛沙其聰晤□資惠才神與河漢靈匹瀟湘帝

女筆動鸞迴絃調雀儂滌想金□□心寶聚其

仙容婉：艷質我：□妃恥出□媛羞過椒花

入頌柳絮縈歌詞峰秀嶽學海馳波其魴鯉成

詩鳳凰開兆琴瑟既合室家斯紹兩鶴齊飛雙

龍並繞德行方肅言容是□其九圍母則六合

嬪風恩留海內化被區中銀鑲曉上金□□□

祥開梓闕位冠椒宮其習禮明詩披圖閱史漢

朝馬鄧周□姪當作姒陰化聿宣坤儀□理貫

□騰瑞驚雷送祉其高春忽墜上壽俄褰當作

金丹不熟玉釜徒煎黃泉九□白□三□六宮

恨積萬□哀纏其一寐冥丘隴淒涼原隰畢□

難追終□靡及壑露晨□□□急伏紙銜悲

揮毫灑泣怨□賢之同盡感昏明之遞襲紀盛

德于豐碑異神猷兮永立其十

長安二□歲次壬寅金□□已巳木朔五□癸

酉金建

右武后革命時所立順陵碑首曰大周無上

孝明高皇后碑銘并序特進太子賓客監修

□史上柱國梁王□三思奉勅撰太子左奉

裕率兼檢校安北大都護相王□旦奉勅書

唐顏真卿蔡州書

真卿奉命來此事期未竟止緣忠勤無有旋意

此條見金石文字記

此條見金石文字記

然中心恨：始終不改游于波濤宜得斯報千
百年間察真卿心者見此一事知我是行亦是
達於時命耳 人心無路見時事只天知

右唐顏魯公書一通并畫像有題于書之上

像之下者曰觀此筆蹟不顯歲月以事實攷

之蓋使李希烈時也希烈以建中元年陷汝

州盧杞建議遣公奉使至正元：年八月丙

戌公不幸遇害困躓賊庭者逾二年刃加于

頸而色不變度無還期誓不易節蓋書此以

自表云重既摹公之像於蒲繪而祠之又訪

此目見金石文字記

得此石本狀貌老矣公以乾元二年自同徙
蒲至奉使時垂三十年氣節不衰而狀貌非
昔也乃刻石而寘之祠室俾觀者有考焉靖
康元年七月壬申朝散郎祕閣修撰知同州
軍州事唐重書

唐褒封四子勅

勅門下吳穹眷命烈祖降靈休昭之儀存乎記
典莊子列子文子庚桑子列在真仙體茲虛白
師玄元之聖教弘大道於人寰觀其微言究極
精義比夫諸子諒絕等夷其莊子宜依舊號曰

南華真人列子號曰沖虛真人文子號曰通玄
真人庚桑子號曰洞靈真人其四子所著書並
隨號稱為真經宣布中外咸使聞知

天寶元年二月廿日

宋頌口莊子牒

中書門下 牒

莊子并釋文

牒奉勅莊叟玄言理歸於沖漠郭象為注義造
於精微既廣玄風寔資至治朕仰崇大道俯勸
烝民言念此書盛行於世尚多踳駁已命校讎
將永煥於縑緗宜特滋於雕口牒至准敕故牒

景德三年八月五日

右諫議大夫參知政事趙

兵部侍郎參知政事馮

工部尚書平章事王

唐李肇國史補曰天寶中天下屢言聖祖見
因以四子列學官故有偽為庚桑子者其辭
鄙俚非聖賢書

劉汾詩

玄談密授函關吏萬古終南一草樓陵谷依然
人世換冷煙叢柏臥青牛 劉汾

此條見金石文字記

右說經臺之左有碑前為老子函谷度關圖
元大德庚子刻後為希聲堂碑八分書延祐
二年朱象先撰而此詩則在碑之左旁亦分
書不著年月詳其風致當為元人之作草樓
之前傳有老子繫牛柏後人琢二石牛置其
下故末句云然

永壽王詩

隱：樓臺雲外重一溪活水過仙宮上師已化
青牛老萬木驚秋墜晚風
正德己卯仲秋下旬九日予蒙聖上准奏容浴

溫泉便道樓觀既出乃登說經臺但見白鶴飛
空蒼松夾道予喜不勝又覩欽差鎮陝劉內輔
公佳製不揣僭鄙強和一絕以發一時之興耳
永壽王題并書

後有印文曰
永壽王章

漢曹全碑

君諱全字景完敦煌效穀人也其先蓋周之曹
武王秉乾之機翦伐殷商既定爾勲福祿攸同
封弟叔振鐸于曹國因氏焉秦漢之際曹參夾
輔王室世宗廓土斤竟子孫遷于雍州之郊分
止右扶風或在安定或處武都或家隴西或居

此文見金石文字記

燉煌枝分葉布所在為雄君高祖父敏舉孝廉
武威長史巴郡朐忍令張掖居延都尉曾祖父
述孝廉謁者金城長史夏陽令蜀郡西部都尉
祖父鳳孝廉張掖屬國都尉丞右扶風掾糜侯
相金城西部都尉北地太守父琇少貫名州郡
不幸早世是以位不副德君童齷好學甄極
緯無文不綜賢孝之性根生於心收養季祖母
供事繼母先意承志存亡之敬禮無遺闕是以
鄉人為之諺曰重親致歡曹景完易世載德不
隕其名及其後政清擬夷齊直慕史魚歷郡右

職上計掾史仍辟涼州嘗為治中別駕紀綱萬里朱紫不謬出典諸郡彈枉糾邪貪暴洗心同僚服德遠近憚威建寧二年舉孝廉除郎中拜西域戍部司馬時疏勒國王和德弑父篡位不供職貢君興師征討有吮膿之仁分醪之惠攻城野戰謀若涌泉威年諸賁和德面縛歸死還師振旅諸國禮遺且二百萬悉以簿官遷右扶風槐里令遭同產弟憂棄官續遇禁罔潛隱家巷七年光和六年復舉孝廉七年三月除郎中拜酒泉祿福長詆賊張角起兵幽冀兗豫荆揚

同時並動而縣民郭家等復造逆亂燔燒城市萬民騷擾人裹不安三郡告急羽檄仍至于時聖主詔取羣僚咸曰君哉轉拜郟陽令收合餘燼芟夷殘迸絕其本根遴訪故老商量儁艾王敞王畢等恤民之要存慰高年撫育鰥寡以家錢糴米粟賜癘盲大女挑斐等合七首藥神明膏親至離亭部吏王宰程橫等賦與有疾者咸蒙瘳快惠政之流甚于置郵百姓襁負反者如雲戢治廩屋市肆列陳風雨時節歲獲豐年農夫織婦百工戴恩縣前以河平元年遭白茅谷

水灾害退於戊亥之間興造城郭是後舊姓及
脩身之士官位不登君乃閔縉紳之徒不濟開
南寺門承望華嶽鄉明而治廢使學者李儒樂
規程寅等各獲人爵之報廓廣聽事官舍廷曹
廊閣升降揖讓朝覲之階費不出民投不干時
門下掾王敞錄事掾王畢 主簿王歷戶曹掾
秦尚功曹史王顓等嘉慕奚斯考甫之美乃共
刊石紀功其辭曰
懿明后德義章貢王庭征鬼方威布列安殊荒
還師旅臨槐里感孔懷赴喪紀嗟逆賊燔城市

特受命理殘圮芟不臣寧默首繕官寺開南門
關差我望華山鄉明治惠沾渥吏樂政 給足
君高升極鼎足
中平二年十月丙辰造

宋神宗詩

賜彥博

彥字上用
御書之寶

四紀忠勞著三朝聞望隆亨茲難老祉報在不
言功富矣勲彌大居焉貌甚冲西都舊士女白
首矚瞻公

文潞公記

御賜詩記

元豐三年季秋皇帝行大饗之禮於明堂臣方守魏被召侍祠大禮慶成後四日特蒙制恩進位太尉保釐洛郊臣犬馬之年七十有五前此累年章十數上以求致仕聖慈俯憐舊物曲念老臣皆未之許今復優進公位俾守別都自顧衰殘非敢當克俯伏辭遜至於再三訖不獲命乃以閏月二十三日陞辭翌日出都仍賜宴于瓊林苑悉以二府大臣押伴既又臨遣中使出寶器俾醕天醴以極魚藻之樂及賜御詩以

寵其行臣伏思蒙厚恩荷殊渥自近世逮本朝來未有其比則有弼臣博奉詔作序事義詳矣臣雖窮極語言不能盡意惟知負戴天地生成之德感極而繼之以泣恭惟陛下聰明睿智煥乎有文帝庸作歌光紹前典伏自臨御以來十有十四載而英韶之韻雲漢之章百執願聞萬物思覩者久矣曾未之得夫何老臣首蒙天賜至榮至幸超絕等倫始在都門則已布傳於宮省尋抵洛宅又得診示於吏民是用圖金刻石以永其傳將與夫日月並明天地同久復使臣

之子：孫：相繼率勵保之守之亦克永世至於老臣為不朽矣元豐四年正月三日河東節度管内觀察處置等使守太尉開府儀同三司行太原尹判河南府事西京留守司公事兼畿內勸農使上柱國潞國公食邑二萬三千六百戶食實封一萬一百戶臣文彥博謹記

金王庭筠詩

帝遣名山護此邦千家瑟：嵌西窻山僧乞與山前地招客先開四十雙四十字作卅為雙輟耕錄四畝挂鏡臺西挂玉龍半山飛雪舞天風寒雲直上

三千尺人道高歡避暑宮

王母祠東古佛堂人傳棟宇自隋唐年深寺廢無僧住滿谷西風栗葉黃

手拄一條青玉杖真成日掛百錢遊夕陽欲下山更好深林無人不可留

右在汾州府學宮凡四通其末云黃華老人王庭筠行草四詩刻石於汾之學宮者殆五伯年矣歲久石泐字畫漫漶嘉靖乙丑之秋分守左參政餘姚宋公岳省覽咨惜令州守王大經同知趙崇儒別礮石四面以新安儒

生程本模勒判官楊守公經理刻成仍增置
一亭貯之庭筠書號稱墨妙幾廢之餘逢此
翻繕煥若神明頓還舊觀矣郡人孔天胤記
志云黃華老人王庭筠字子瑞金大定十六
年進士官至翰林修撰嘗買田林慮讀書黃
華山寺因自號焉父遵古為汾州觀察判官
省親至此行書詩石二面史稱書法學米元

章端雅過之

司馬公祠堂詩

司馬晉州待制哀辭 太常博士通判延州軍

今雲南二有此刻石

州事馬端

志古流難合談高道自明風波直恩分

公為群

曹之遷也人以公始嘗堅辭其辟當自為辨識者

惻然謝曰今日正宜從其行也卒不以辨識者

之鐺石盡交情不勝其人交必盡規讓始若讓節

蒙知厚公在鳳翔日勝其言退則敦義彌篤

公生平特立至為賤生懷感遇當路假晶熒辱

侍從皆出宸選為賤生懷感遇當路假晶熒辱

公遂蒙改官累次青油幕下皆預賓席及岐

輕戊寅年端輒奏疏論事公特被優假邦事血言

聖道齋

彌驚今春得三堂玉葉悲無驗金臺望忽傾歲

信知公屬疾信知公屬疾闌雲慘淡天迴淚縱橫世有真忠亮今止至直

清舊僚知葬日投此弔佳城

嘉祐元年十月三十日著作佐郎管勾河東路

機宜文字雷憲書

右小石刻在夏縣司馬公祠堂西館中

謁司馬溫國公墓詩并序

予到官之五日拜司馬溫國文正公墓顧瞻良久而有是詩實至元改元閏十二月既望也洞羊後學范庸頓首書

蒼：中條山悠：涑河水哲人生其間而有司

馬氏山水秀且明桑梓故鄉里宋朝入相時天

下聞之喜通鑑一編書名分盡乎禮天地大是

非以禮為綱紀大哉君臣道逆順合條理遂令

千載下警懼良有以禹都鳴條岡邱墳峙高壘

大儒世臣家何處孫與子我時來瞻拜昆仲沒

荆杞考古詢寺僧懷賢心未已黨人仆其碑今

日果誰恥杏花蔭龜趺異事入青史細讀東坡

銘文章刺褒美迴首悲風來商聲振林起

大元至元四年四月九日餘慶禪院尊宿僧行

選立石

右小石刻與馬端詩同嵌一璧

鈔校書籍



